

Noticia di DIARIO confirma:

Ing. J. Figaroa nombra Director di D.O.W

ORANJESTAD(AAN)- Ingeniero Jossy Figaroa recientemente a keda nombra den e puesto di director di D.O.W, cual tabata vacante pa un periodo di casi un aña. Despues di a bishita Colegio Arubano, sr. Figaroa a continua su estudio na H.T.S. di Antiya y di Breda. Despues di a obtene su HTS-diploma, el a sigui na Technische Hogeschool (Universidad di Eindhoven) y a obtene su kandidaatsdiploma den Ingenieria Industrial y el a specializa su mes ariba tereno di "organisatiekunde" y economia.

Na Februari 1984 sr. Figaroa a cuminsa traha na e Departamento di Asuntunan Economico, seccion Aruba, na unda el a fungi como hefe interino te cu

fin di 1985. En vista di e cambionan cu mester tuma lugar dentro e aparato gubernamental relaciona cu e ehecucion di Status Aparte, sr. Figaroa a forma parti di e team "project-bureau Status Aparte/Berenschot" na unda el a keda encarga cu entre otro preparacion di e estructura nobo pa e ministerio di obra publico.

Entrante Januari 1986, el a bay traha cu e departamento nobo di Asuntunan Economico, Comercio y Industria, encarga cu e seccion di Implementacion di Maneho Economico y alavez a tabata actua como director suplente di dicho departamento.

Na Mei 1989 sr. Jossy Figaroa a keda nombra como coordinador na Oficina di Ministro di

Obra - y Salubridad Publico. Durante su carera como empleado publico, el a forma parti tambe di diferente comision cu mester a trata un variedad amplio di "issue" coriente.

Sr. Figaroa a nace dia 8 di Januari 1956 y ta casa cu sra. Jane Semeleer. Pa e puesto di Director di D.O.W. diferente persona a solicita.

E conocimiento di candidatonan ariba e tereno di organizacion a hunga tambe un rol

hopi importante den e evaluacion, debi na e hecho cu constantemente raportnan di accountantnan cu tabata controla



D.O.W. ta muestra cu e departamento aki requeri mehoracion,

muy en particular pa local ta concerni e parti organizatorio.



Aruba Hi-Winds ta haya voorschot na balor di 45 Mil Florin.

ORANJESTAD(AAN)- Consoho di Ministro a dicidi pa cubri debenan di Aruba Hi-Winds 1989 te cu un suma di Afl.290.000 por lo pronto.

Entretanto e director di Departamento di Finanzas ser instrui pa paga tal debenan. Ademas Consoho di Ministro a dicidi pa otorga a la vez un voorschot na balor di Afls.45.000,- pa cubri gastonan organizatorio pa Aruba Hi-Winds 1990, mientras cu e aporte di gobierno na tal evento

lo ser determina definitivamente despues cu presenta y aproba un presupuesto balancea pa e actividadnan planea.

Gobierno ta enfatisa cu aporte for di caha di gobierno semper lo worde acopla na e condicion di un kascontrol estricto. Consoho di Ministro alavez ta desea organizadornan di Aruba Hi-Winds 1990 y tur participantenan tur clase di exito.

TUR DIA

na RADIO CARINA F.M. 98

bo amigo di tur mainta

Ivantje

yen di premios
y sorpresas

Den 1990
Radio Carina
ta hisa benta

